

注補續漢書八志序

梁郊令劉昭

臣昭曰昔司馬遷作史記爰建八書班固因廣是曰十志天人經緯帝政紘維區分源奧開廓著述創藏山之祕寶肇刊石之遐貫誠有繁於春秋亦自敏於改作至乎永平執簡東觀紀傳雖顯書志未聞推檢舊記先有地理張衡欲存炳發未有成功靈憲精遠天文已煥自蔡邕大弘鳴條寔多紹宣協妙元卓律歷以詳承洽伯始禮儀克舉郊廟社稷祭祀該明輪駢冠章車服贍列於是應譙纘其業董巴襲其軌司馬續書總爲八志律歷之篇仍乎洪邕所構車服之本卽依董蔡所立儀祀得於往制百官就乎故簿竝籍據前脩以濟一家者也王教之要國典之源粲然略備可得而知矣旣接繼班書通其流貫體裁淵深雖難踰等序致膚約有傷

懸越後之名史弗能罷意叔駿之書是謂十典矜緩殺青竟亦不成二子平業俱稱麗富華轍亂亡典則偕泯雅言邃義於是俱絕沈松因循尤解功創時改見句非更搜求加藝文以矯前棄流書品採自近錄初平永嘉圖籍焚喪塵消煙滅焉識其限借南晉之新虛爲東漢之故實是以學者亦無取焉范曄後漢良誠跨眾氏序或未周志遂全闕國史鴻曠須寄勤閑天才富博猶俟改具若草昧厥始無相憑據窮其身世少能已畢遷有承考之言固深資父之力太初以前班用馬史十志所因寔多往制升入校部出二十載續志昭表以助其閒成父述者夫何易哉况曄思雜風塵心撓成毀弗克員就豈以茲乎夫辭潤婉贍可得起改覈求見事必應寫襲故序例所論備精與奪及語八志頗褻其美雖出跋前羣歸相沿也又尋本書當作禮樂志其天文五行百官車服爲名則

同此外諸篇不著紀傳律歷郡國必依往式曄遺書自序應徧作
諸志前漢有者悉欲備製卷中發論以正得失書雖未明其大旨
也曾臺雲構所缺過乎榱桷爲山霞高不終踰乎一壘鬱絕斯作
吁可痛哉徒懷纘緝理慙鉤遠迺借舊志注以補之狹見寡陋匪
同博遠及其所值微得論列分爲三十卷以合范史求於齊工孰
曰文類比茲闕恨庶賢乎已昔褚先生補子長之削少馬氏接孟
堅之不畢相成之義古有之矣引彼先志又何猜焉而歲代逾邈
立言湮散義存廣求一隅未覲兼鍾律之妙素揖校讎參歷算之
微有慙證辨星候祕阻圖緯藏嚴是須甄明每用疑略時或有見
頗邀旁遇非覽正部事乖詳密今令行禁止此書外絕其有疏漏
諒不足誚

續漢書八志目錄

志三十卷

第一卷

律曆上

律準

候氣

第二卷

律曆中

賈逵論曆

永元論曆

延光論曆

漢安論曆

熹平論曆

論月食

第三卷

律曆下

曆法

第四卷

禮儀上

合朔

五供

冠

耕

養老

祓禊

第五卷

禮儀中

立夏

立春

上陵

夕牲

高禩

先蠶

請雨

拜皇太子

桃印

立秋

案戶

立冬

臘

土牛

朝會

第六卷

禮儀下

大喪

第七卷

拜王公

黃郊

驅劉

祠星

冬至

大儺

遣衛士

祭祀上

光武卽位告天

郊

封禪

第八卷

祭祀中

北郊

明堂

辟雍

靈臺

迎氣

增祀

六宗

老子

第九卷

祭祀下

宗廟

社稷

靈星

先農

迎春

第十卷

天文上

王莽三

光武十二

第十一卷

天文中

明十二

章五

和三十三

殤一

安四十六

順二十三

質三

第十二卷

天文下

桓三十八

靈二十

獻九

隕石

第十三卷

五行一

貌不恭

淫雨

服妖

雞禍

青眚

屋自壞

訛言

旱

謠

狼食人

第十四卷

五行二

災火

草妖

羽蟲孽

羊禍

第十五卷

五行三

大水

水變色

大寒

雹

冬雷

山鳴

魚孽

蝗

第十六卷

五行四

地震

山崩

地陷

大風拔樹

螟

牛疫

第十七卷

五行五

射妖

龍蛇孽

馬禍

人痲

人化

死復生

疫

投蜺

第十八卷

五行六

日蝕

日抱

日赤無光

日黃珥

日中黑

虹貫日

月蝕非其月

第十九卷

郡國一

河南

河內

河東

弘農

京兆

馮翊

扶風

右司隸

第二十卷

郡國二

潁川

汝南

梁國

沛國

陳國

右豫州

魯國

魏郡

鉅鹿

常山

中山

安平

河間

清河

趙國

勃海

右冀州

第二十一卷

郡國三

陳留

東郡

東平

任城

泰山

山陽

濟北

濟陰

右兗州

東海

琅邪

彭城

廣陵

下邳

右徐州

第二十二卷

郡國四

濟南

平原

樂安

北海

東萊

齊國

右青州

南陽

南郡

江夏

零陵

桂陽

武陵

長沙

右荊州

九江

丹陽

廬江

會稽

吳郡

豫章

右揚州

第二十三卷

郡國五

漢中

廣漢

犍為

越巂

永昌

蜀郡屬國

右益州

隴西

武都

安定

武威

酒泉

巴郡

蜀郡

牂柯

益州

廣漢屬國

犍為屬國

漢陽

金城

北地

張掖

敦煌